



المصدر: الأهرام

التاريخ: ١٩٧٢/٥/١٥

مركز الأهرام للتنظيم وتكنولوجيا المعلومات

السادات: نريد

أن نبدأ من الآن ممارسة

سليمة لتجربتنا منذ ١٥ مايو

« لن يكون هناك عمل خارج نطاق المؤسسات الدستورية »
« أبواب الاتحاد الاشتراكي ومجلس الشعب مفتوحة لكل مواطن »
« الحوار المفتوح مطلوب ٠٠ المزايدات والمناورات (لا) »

■ السادات يطرح أمام مجلس الشعب ٣ مهام للمستقبل ■

- أن يعي الجميع حقائق التجربة ● أن نلتزم بقواعد للسلوك العام
- أن نكون مستعدين وبحزم لوضع الحدود بين عمل المؤسسات

الرئيس يذيع لأول مرة وقائع عن مذكرتين
قدمتا إليه في أكتوبر ١٩٧٠ ، وأبريل ١٩٧٢

في خطاب شامل تركّز حول سياسة العمل الداخلي ، ومسئوليات المرحلة المقبلة ، قال الرئيس
السادات ، أننا نريد أن نبدأ من الآن ممارسة سليمة لتجربتنا منذ ١٥ مايو .

وفي مدخل خطابه الذي القاه أمام مجلس الشعب في مناسبة مرور عام على حركة التصحيح ،
ضغط الرئيس السادات على معنى أساسي هو : أنه لا يوجد إطار نتحرك فيه الآن سوى المعركة ،
لأن هذا الإطار هو الذي سيحكم كل تصرفاتنا ، ولا نستطيع أن نعزله عن عملنا . ثم قال في حديثه
عن الممارسة السليمة لتجربة ما بعد ١٥ مايو :

- انه لن يكون هناك ، بأى حال ، عمل خارج نطاق المؤسسات الدستورية .
- ان أبواب الاتحاد الاشتراكي ومجلس الشعب مفتوحة لكل صاحب رأى ، ليقول ما يريد ، بغير حرج ، وبكامل حريته .
- ان الحوار المفتوح مطلوب ، ولكن الزيادات والمناورات مرفوضة من الأساس .

وكان الرئيس السادات قد بدأ خطابه الى الأمة ، بحديث عن نقطتين ، هما :

- الظروف التي واجهتها التجربة الديمقراطية في مصر ، التي كان بعضها طبيعيا ، اقتضته المعارك التي خاضتها الثورة في الداخل والخارج ، وكان بعضها الآخر مفتعلا ، اقتضته الاهواء
- ومهام المستقبل ، وقد حددها الرئيس السادات في ثلاث :
 - ① ان نكون جميعا واعين بحقائق التجربة في كلياتها وتفصيلها .
 - ② ان نكون قادرين على وضع قواعد وضوابط للسلوك العام .
 - ③ ان نكون مستعدين — وبحزم — لرسم الحدود بين عمل المؤسسات السياسية والدستورية ، بحيث يعرف كل منها مكانه ، ويعرف كل منا ، بالتالى ، دوره .

الاتحاد السوفيتي يعاملنا كصديق شريف

وبعد هذا التقديم قال الرئيس : اننى سوف انحى اوراقى جانبا لاتحدث اليكم بمشاعرى ، عن تصورى لهذه المهام الثلاث في المرحلة المقبلة .

ثم قال : انه لكى نضع المسألة في اطارها الصحيح او الواقعى : فلا بد ان نتكلم عن المعركة . وعاد الرئيس ليؤكد الاشتراطات الثلاثة التي حددها في خطاب اول مايو ، وهي

- الوحدة الوطنية لقوى الشعب العامل .
- العمل العربى الموحد ، وقد علق الرئيس على ماتحقق في هذا النطاق بقوله : « اننا استطعنا في المشرق والمغرب ان نصل الى حد مشترك من الاتفاق » .
- التعاون مع كل الاصدقاء ، وعلى رأسهم الاتحاد السوفيتى ، وعند هذه النقطة تعرض الرئيس لحملة التشكيك التي مارسها اعداء مصر منذ قطع الاتصال مع الولايات المتحدة في اكتوبر الماضى ، والتي تركزت على علاقتنا بالاتحاد السوفيتى . وقال انه « للاسف فقد لقيت هذه الحملة بمضى الصدى في العالم العربى . وتعلت اصوات بعض الانهزاميين . ثم كان مشروع الملك حسين » .
- واستطرد الرئيس قائلا : انه اذا كان هناك حاكم عربى خارت قواه ، فان الشعوب العربية مازالت صامدة . وشعب مصر لم ولن يستسلم .

وأضاف الرئيس السادات : ان الاتحاد السوفيتى يتعامل معنا كمصديق شريف ، ويقف الى جانبنا سياسيا واقتصاديا وعسكريا .
وتحدث الرئيس عن زيارته الاخيرة للاتحاد السوفيتى ، فقال ان اهم ما فيها شيان :
- اهاطة السوفيت مجددا بموقف مصر ، وخاصة قبل الاجتماع المقبل بينهم وبين نيكسون
- دعم المقدرات الاقتصادية والسياسية للعالم العربى .
وأضاف الرئيس السادات ، انه في كل زيارة لموسكو ، يحرص على تأكيد معنيين اساسيين هما : ان مصر لاتريد جنديا سوفيتيا واحدا يحارب مصرتها ، وانها لا تسعى ابدا الى خلق مواجهة بين القوى الكبرى .

ذلنا كل العقبات خلال عام

ثم انتقل الرئيس السادات الى الحديث عن مسئوليات العمل الداخلى فى المرحلة المقبلة ، وقال اننا نلنا خلال العام الذى انقضى كل العقبات التى واجهت طريقنا :
أعيد بناء التنظيم السياسى من القاعدة الى القمة . وضع الدستور . تمت انتخابات مجلس الشعب . بدأت مرحلة حكم المؤسسات .
وتوقف الرئيس امام كل من المسئوليات الثلاث المطلوبة للمرحلة المقبلة :

□□ عن الوعى بحقائق التجربة ، اذاع الرئيس السادات لاول مرة ان منكرتين قدعنا اليه خلال الستين الاخيرتين . احدهما بعد وفاة القائد الضالده جمال هبده التاصر فى ٢٨ سبتمبر سنة ٧٠ ، وقبل اجراء الانتخابات على الرئاسة . وروى الرئيس قصة هذه المنكرة ، فقال « فوجئت بعريضة موقعة من بعض اخواننا الذين كانوا معنا فى الماضى ضمن مجلس الثورة . وبلغنى العريضة انها تطالب بغرض وصاية جديدة على الشعب . وكان مفهومها انها تلغى كل ما تم خلال ١٨ سنة ، لنبدأ كل شئ من جديد . قلت ان الشعب سيد مصيره ويرفض الوصاية . رفضت العريضة وقلت الموضوع واعتبرته منتهيا وبلا قيمة » .
والعريضة الثانية قدمت الى الرئيس فى الفترة الاخيرة ، وهى تكرر نفس الكلام ، ولكن بصورة اخرى .

وقال الرئيس : لماذا نوزع العريضة فى الخفاء ؟ لماذا لا نرسل الى مجلس الشعب ؟ ولماذا التشنج ضد الاتحاد السوفيتى صديقا الوحيد ؟ ولماذا لا يكون التشنج ضد امريكا التى تفك منا موقف العداة المصرح على طول الخط ؟
وقال : ان مجلس الشعب موجود ، ومن يريد ان يتعرف على الحقائق فليتوجه اليه . وفى يوم ما قضيت مع احد الاعضاء ١٢ ساعة ، لانه كان يريد ان يعرف بعض الحقائق .

□□ وعن الحاجة الى وضع قواعد وضوابط للسلوك فى المرحلة المقبلة ، قال الرئيس السادات اننا نمارس الديمقراطية فى ظروف مصركة . ولكننا يجب الا نسمح باى نوع من المناورة .
وتطرق الرئيس الى نقطتين :

- ماجرى بالنسبة لموضوع خط الانابيب ، عندها نوقش امام مجلس الشعب وقال كلمته فيه ، ثم جرت بعد ذلك مناقشة لنفس الموضوع . وتساءل الرئيس « هل هناك اوصياء على البلد بعد مجلس الشعب ؟ » ، ثم قال : « ان هذا السلوك مرفوض بالكامل » .



مركز الأهرام للتنظيم وتكنولوجيا المعلومات

وفي هذا الموضوع قال الرئيس : اننى كنت حريصا مثل كل فرد فى الشعب على ان اعرف الحقيقة . واذا كان هناك تصرف لمستول طلب المجلس تقديمه للحساب ، فلابد ان يقدم للحساب .

— ضرورة الالتزام بالسلوك فى المعركة . وفى هذا الصدد قال الرئيس السادات : « اللى مش قادر مش عيب ابدأ يقول انا مش قادر او تعبان ، ولكن لا تحاول بليلة الناس او يستمر فى مكانه عن غير اقتناع بما يفعله . ولن يقال له استمر او تروح المعتقل كل انسان حر ، طالما احنا ملتزمين بالمعركة » .

□□ عن قضية الحدود بين المؤسسات ، قال الرئيس السادات ان عندنا مؤسسات الدولة الاتحادية ، وعندنا مؤسسات الدولة الوطنية . الاتحاد الاشتراكي ومجلس الشعب والحكومة . وينبغى ان يكون هناك تنسيق بين كل هذه المؤسسات .

ثم ختم الرئيس حديثه الذى استمر ساعة ونصف الساعة بقوله : لقد انجزنا الكثير فى عام واماينا الكثير ننجزه فى هذه البداية الجديدة لممارسة جديدة . بداية لابد ان تؤخذ بالاعتناع وبالحرص معا . بالحرية والالتزام معا . بالمشاركة والمسئولية معا .

نص خطاب الرئيس انور السادات الذى القاها بمجلس الشعب امس .

بسم الله

السيد رئيس المجلس ايها الاخوة والاخوات اعضاء مجلس الشعب . ان هذا اليوم يمثل بالنسبة لهذا المكان فوق هذا المنبر وتحت هذه القبة معنى لايجدر به ان يضع فى زحام الايام وقيمه لا يجب ان ننساها مهما تراجعت الحوادث وتوالت بعضها فى اعقاب بعضى .

فى مثل هذا اليوم اخذ ممثلو الشعب زمام المبادرة بايديهم وارتفعوا الى مستوى مسؤولياتهم ثم عزلوا من بين صفوفهم جماعة استغلوا الاشتراكية وهجروا على الحرية وتصدوا مناوئين ومتأمرين على قضية الوحدة . وما ابعد الاشتراكية عن الاستقلال

بكل انواعه السياسية والمادية .
وما ابعد الحرية عن كل دعاوى
الحجر والوصاية على الديمقراطية .
وما ابعد الوحدة عن الذين وقفوا
يلمسحون باعلامها كشمعات وهم ضد
طريقها الى حد العداوة والتحريض
والجريمة .

لكن وقفة فى هذا المكان فوق هذا
المقبر وتحت هذه القبة اعادت الحق الى
مكانه واكدت للمبادئ كرامتها واعطت
للاهداف العظيمة لثورة ٢٣ يوليو دفعة
هائلة على المسار السليم .

ولقد اردت - ايها الاخوة والاخوات
- من هذا المفهوم ان تكون تحبنا لهذا
اليوم من هذه القاعة تقديرا وتذكيرا بانه
فى مثل هذه الايام قبل عشرين سنة كانت
لثورة ٢٣ يوليو تصك ضمن اهدافها
السته المشهورة هدف اقامة حياة
ديموقراطية سليمة .

ولقد كان هذا الهدف - ايها الاخوة
والاخوات - من اعلى اهداف الثورة
دواما . ولكن هذا الهدف كائن معرضا
فى كثير من الظروف للاحتكاك بموامل
متعددة بعضها طبيعى اقتضته الظروف
وبعضها مفتمل اقتضته الاحواء .

المبدأ السادس لماذا تأخر تطبيقه ؟

من ناحية الاسباب الطبيعية فان هذا
الهدف كان قد تعرض لعاملين :
الاول طبيعة المعركة ضد الاستعمار
ليس فى مصر وحدها ولكن فى المنطقة
العربية كلها . وهذه المعركة مهما راغتنا

ظروف نكسة تحيط بنا الآن . هذه
المعركة حققت انتصارا لا شك فيه .

لقد انتهى في المتطقه دور
امبراطوريتين.. الامبراطورية البريطانية
في المشرق والامبراطورية الفرنسية في
المغرب وكادت النهاية بانتصار الارادة
العربية في الصراع .. وهو انتصار
كان شعب مصر مقدمته وطلبعته ..

ولم يكن ممكنا في ظروف هذا الصراع
ومعاركه وخصوصا معارك الحرب النفسية
فيه ان تترك الامور دون حدود وقيود والا
لمعنى ذلك اننا كنا نترك تسعير
الديمقراطية لعدونا يستغله ليس فقط
سد حريتنا ولكن ضد حياتنا . وفي
وقت من الاوقات كانت هناك احدى عشرة
محطة اذاعة سرية توجه نشاطها بل
تركز سمومها على هذا الشعب لكي تقهر
اعصابه قبل ان تقهر ارادته .

السبب الثاني : طبيعة المعركة ضد
الاستغلال الطبقي والامتيازات المنهوبة
سواء من عناصر في الداخل او عناصر في
الخارج . ولم يكن ممكنا ان تسترد
جماهير الشعب المصري ثرواتها المنهوبة
في يد اقلية التصف في المآلة بالحوار
والاقناع وايما كان لابد من اجراءات تبدو
في ظاهرها متناقضة مع الحرية لكنها
في جوهرها الحقيقي صميم الصميم من
ممارسة الحرية ذلك ان الحرية هي
السيادة للاغلبية مع حق الاقلية دائما
في ان تعبر عن الراى الاخر . وعندما
يكون الامر متعلقا بمصالح طبقية عاشت
على الاستغلال وتعودته واستمراره
وتمادت فيه فان وضغ نهاية لهذه
الامتيازات المنهوبة لا يصبح قضية راى
ورى آخر في مواجهته حين ننظر الى
مجتمعنا المصرى .. وحجم المصالح التي

استردت فيه لصالح الاغلبية وتحت سيطرتها . وهين ننظر الى مجتمعنا المصرى وحجم المصالح الاجنبية التى كانت فيه وعانت الى اصحابها بل حين ننظر الى ارضنا العربية الواسعة ونرى التقلص المستمر فى دور الاختراعات الاجنبية حينما نفعل ذلك فاننا نعرف الى اى حد نجحت المعركة ضد الاستغلال .

صدى السويس فى قرارات الاوبك

ان المجتمع العربى كله يتغير بتاثير المتغيرات التى حدثت على الارض المصرية ولقد نتجاوز فى القول اذا اعتبرنا المواجهات الناجحة التى خاضتها منظمة كمنظمة « الاوبك » اتحاد الدول

المصدرة للبترول مثلا . انما هى فى الحقيقة رجع صدى لمعركة السويس العظيمة الخالدة .

هذا من العوامل الطبيعية — اما عن العوامل المتعلمة مما فرضته الاهواء فانها تقع على ناحيتين — من ناحية كانت هناك عناصر الاستغلال الطبقي العظيم لا تريد ان تسلم للشعب بما استرده الشعب من حق . ولهذا فهى تسعى بكل الوسائل الى اضعاف قبضته على حقه سواء بضرب هذه القبضة او قطعها او بيث الوهن فيها حتى تترك حلقها وتسلم فيه .

ومن ناحية أخرى فقد كانت هناك مراكز القوى التي لم تستطع ان تفهم دور السلطة في خدمة التحول الاجتماعى ان ازمة هذه العناصر انها اعتبرت السلطة بداية ونهاية . وهذا منزلق خطير لا يودى الى الارهاب فحسب ولكن يهوى باصحابه الى الانحراف ايضا وهذا ماحدث مع الاسف .

وهكذا تعرضت قضية الممارسة الديمقراطية فى بلادنا لمخاطر شديده لاسباب داخلية وخارجية من كل الذين كان متوقعا منهم ان ينقضوا عليها . ومن بعض الذين كان متوقعا منهم ان يدافعوا عنها .

عبرة الدرس من هذا التصحيح

ان هذا المكان وفى مثل هذا اليوم من العام الماضى شهد وقفة بترت وصححت — أبعثت وازافت — اما عن البتر والابعاد فنلك مسالة مضت وانقضت واهم ما فيها ان نأخذ العبرة منها وان نستوعب الدرس . واما التصحيح والاضافة فكلهما مازال معنا حيا . لابد ان نتمهده لينمو ويزدهر ولايد ان نبذل كل جهد فى سبيله لى يترسخ على الارض وتثبت دعائمه .

أول الخطوات

بناء التنظيم السياسى

ايها الاخوة والاخوات — منذ ذلك اليوم خطونا خطوات واكلنا حقائق . خطونا الى اعادة بناء تنظيمنا السياسى والدستورى سعيا وراء اقامة دولة

المؤسسات وكان ذلك مطلباً ملها في كل وثائقه الأساسية ابتداءً من الميثاق إلى بيان ٣٠ مارس .

لقد اعيد بناء الإتحاد الإشتراكي العربي من القمة إلى القاعدة وبكامل الحرية . ووضع دستور دائم لجمهورية مصر العربية طرح في استفتاء شعبي جرى بكامل الحرية وأجريت انتخابات لمجلس الشعب أبرزت جماهيرنا من خلالها قياداتها بكامل الحرية . ثم مضينا بالممارسة تؤكد حقيقة أن الديمقراطية هي السلطة السياسية لقوى الشعب العاملة . ثم مضينا أيضاً بالممارسة تؤكد حقيقة أخرى أن استمرار التحول الإشتراكي يمكن أن يتم في ظل سيادة القانون مادامت السلطة السياسية في يد تحالف قوى الشعب العاملة . ثم ذهبنا إلى أبعد من ذلك نؤكد حقيقة وحقيقة هامة هي أن الحوار بين قوى التحالف لا يمكن أن يكون مصدر خطأ وإنما هو الصواب بعينه لأنه من طريق الحوار الديمقراطي وحده يمكن أن تظهر الحقيقة التي يجب أن تكون أساس أي قرار .

ولعلني أقول أمامكم بنقطة أنني أجد التجربة تسير في طريقها الصحيح رغم أننا نعيشها في ظروف استثنائية هي ظروف المعركة .

بل لعلني أقول لكم أنني حين أرى بعض مظاهر التجاوز فأنني اعتبر ذلك من طبيعة الأمور . فممارسة أي عمل لا تجرى في فراغ ثم إن حياة مجتمع بأسره تتشابك علاقاته مع أمته الكبيرة وتتشابك علاقته مع عالمه الواسع لا يمكن حصرها أو تحصينها ضد الأخطار .

مهام ثلاث أمام عملنا السياسي

وهكذا فإنه ليس لنا ان نقلق من مسار التطور الطبيعي . وانما الواجب علينا يتحدد فى مهام ثلاث :

اولا : ان نكون جميعا واعين بحقائق التجربة فى كليتها وفى تفاصيلها وان نكون على استعداد للمساهمة فى انجاحها وان نكون قادرين على اغنائها بالحوار .
ثانيا : ان نكون قادرين على وضع قواعد وضوابط للسلوك العام نلزم انفسنا بها حين نصل فى شأنها الى قناعات يصبح لها قوة العرف او حتى قوة القانون غير المكتوب .

ثالثا : ان نكون مستعدين وبحزم لرسم الحدود بين عمل المؤسسات السياسية والدستورية بحيث يعرف كل منها مكانه ويعرف كل منها بالتالى دوره ايها الاخوة والاخوات :

اننى سوف انحى اوراقى جانباً لاتحدث اليكم بمشاعرى من تصورى لهذه المهام الثلاث فى المرحلة المقبلة . افعل ذلك كمواطن عاش الثورة وقاىل من اجل مبادئها بالقدر الذى استطاع . وافعله كمواطن اتبع له شرف العمل بسنوات

طويلة فى هذه القاعة ومن فوق هذه المنصة الكريمة . وافعله كمواطن كلفه الشعب بالمسئولية الاولى فى هذه الظروف العرجة والخطيرة فى حياتشعبنا وامتنا لكى نستطيع ان نضع المسألة فى اطارها السليم . بل فى اطارها الواقعى الذى يجبان تجرى فيه وان نحرس عليه



الإطار الوحيد هو المعركة

فلا بد ان اتكلم عن المعركة لا يوجد
إطار ننحرك فيه الآن سواء هذا الإطار
إطار المعركة . هذا الإطار هو الذى
سيحكم كل تصرفاتنا لأننا ببساطه لا
نستطيع ان نenzله عن عملنا ولا نستطيع
ان نenzل عملنا عنه ابدا وتذكرون اننى

فى خطابى فى اول مايو فى عيد العمال
تحدثت عن اشتراطاتنا الثلاثة للمعركة
اولها الوحدة الوطنية لقوى الشعب
العامل .

ثانيها : العمل العربى الموحد
ثالثها : دعم الاصدقاء وعلى رأسهم
الاتحاد السوفيتى .

بالنسبة للوحدة الوطنية تحدثت عنها
وشرحت ذلك ولا اسام ابدا من الحديث
عنها . وكما سبق ان اوضحت فى كل
معاركنا خلال العشرين سنة الماضية
حققنا كل انتصاراتنا ولازلنا كل هذه
الانتصارات بايماننا الذى لا يتزعزع بالله
سبحانه وتعالى ووحدةنا الوطنية .

اعود فأكبر ان هذه الوحدة الوطنية
مرة اخرى تعلن ان لا امتيازات طبقية
ولا امتيازات لفئة من الفئات .
لا انقسامات الى شيع وطوائف :
لا مزايدات ولا مناقصات وايضا كما
اوضحت مرارا لا تشنجات ليس الوقت
وقت التشنج عدونا يرمى من كل قلبه
ان نتخذ قرارا خاطئا نتيجة تشنج او
نتيجة عدم دراسة او تعسف او انفعال

وانا اقول لكم بكل صراحة كممثلين
لهذا الشعب واقول للشعب من خلالكم
ان احدا لن يجعلنى ابدا تحت اى
ظرف من الظروف اتسبح او اى شىء آخر
ان اتخذ اى قرار فى غير وقته ولا فى
غير موضعه ولا بدون حسابات مع كل
المسئولين عن تنفيذه .

قاعدة صلبة بالعمل العربى المشترك

هذا عن النقطة الاولى .. وهى
الوحدة الوطنية اما عن النقطة الثانية :
وهى العمل العربى المشترك فلملكم
تايتم فى الفترة الماضية ماقيمت به من
رحلات الى مختلف بلاد عالمنا العربى
مشرقه ومغربه .. ان الهدف الاساسى
لهذه الرحلات كان ولا يزال ان نجد
قاعدة صلبة واحدة لعمل عربى موحد فى
هذه الظروف التى تجتازها امتنا العربية
فنحن جميعا كامة عربية نشترك فى
مصير .. ونعيش معركة واحدة كان لابد
ان نلتقى كاخوة .. وان نبحث كل شىء
بمنتهى الصراحة .. ان هدفا اساسيا
من اهداف عدونا اسرائيل هو ان
لايقوم فى هذه المنطقة ابدا عمل عربى
موحد .. بل انها تضع خلافات الدول
العربية وتناقضاتها كمبدا من مبادئ
وجودها وقيامها فى هذه المنطقة من
العالم .

استطيع ان اقول لكم بحمد الله اننا
فى المشرق وفى المغرب استطعنا ان
نصل الى حد مشترك من الاتفاق .

وفى رحلتى الاخيرة الى الجزائر ثم
تونس ثم ليبيا . خرج شعب المليون

شهاد ليبر عن رأيه في المعركة ومن خلاله وباسم هذا الشعب اتوجه لهم بكل الشكر والتقدير وكما كان العهد دائما فقد وعد الرئيس بومدين ان يشارك في معركة المصير بكل مايسطعم .

في تونس .. اعجز حقيقة عن ان اعبر عما ابداه الشعب التونسي من مظاهر العروبة .. والحماس .. والاصالة .. وأنا اوجه لهم اخلص الشكر من هذا المكان اعاهدهم ان يكون شعب مصر كما ارادوه دائما عند ظنهم ..

لقد كنا في جلسات مع الرئيس بورقيبة ومع المسؤولين هناك واستطعنا فعلا ان نتحدث في كل شيء بصراحة . وبصراحة كاملة واستطعنا مثلا ان نجد الارضية المشتركة لعمل عربي موحد .

اما بالنسبة لليبيا - اراني في غير حاجة الى ان اتحدث عنها لقد اتمنا ولا زلنا ننم ما بداناه من اعمال على خط الوحدة وكما تعلمون فان الرئيس معمر القذافي قد وضع كل امكانيات ليبييا للمعركة .

تاتي النقطة الثالثة وهي صداقة الاصقاء وعلى راسهم الاتحاد السوفيني - دعوني أتكلم معكم بصراحة . في الفترة الماضية بعد ان اعلنت في اكتوبر ونوفمبر انني قطعت كل علاقة مع امريكا بسبب الفشي والخداع والكذب وبعد ان انسحبوا من كل ما سبق ان تمهدوا به امامنا . وبعد ان شرحت كل هذا في الصحف وفي العالم كله وفي صحف امريكا ذاتها في داخل امريكا . بدأت حملة نفسية شرسة على المنطقة العربية كمادة الامريكان . ذكرت لكم في هذا الخطاب انه كان فيه 11 محطة



اذاعة سرية أيام معركة سنة ٥٦ أيام
ما أمنا القناة . كان فيه ١١ محطة اذاعة

سرية بتذيع كل يوم علشان بتحاول تهد
من روح الشعب المعنوية او تقهر ارادة
الشعب . وما اثرتش هذه الحسرب
النفسية اطلاقا .

بعد ما اعلنت فى اكتوبر ونوفمبر موقف
امريكا وحددت بصراحة انى قطعت كل
الاتصالات معاهم لانه لا جدوى من الحديث
مع من هم متشنجين اكثر من اسرائيل -
الامريكان متشنجين اكثر من اسرائيل .
بعد هذا بدأت حملة نفسية شرسة على
المنطقة العربية هدفها التشكيك فى كل
شئ التشكيك فى قدرتنا كمرب التشكيك
فى امكانية قيام معركة اخرى - التشكيك
فى كل شئ . وجم فى يوم اول يناير
٧٢ وأعلنوا عن امداد اسرائيل بالفانتوم
بعدها بأسبوع أعلنوا عن اتفاقية كانت
معمولة قدها بشهر فى نوفمبر للتصنيع
بعدها ثانى أعلنوا عن زوارق جديدة
حايزونوا بيها البحرية الاسرائيلية . حملة
تصعيد ماثية باستمرار - اسرائيل
تعمل عرض للأسلحة الامريكية اللى هى
اول مرة فى سيناء وتجيب المراسلين
الاجانب علشان تفرجهم على دبابة جديدة
وطيارة ومدفع .

هل نرضخ

لامريكا واسرائيل !

للاسف الحملة الامريكية فى بعض
البلاد العربية لقت صدى وابتدى بعض
الانهزاميين يقولوا ما دام ما احناش
قادرين نحارب اسرائيل ليه ما نتكلمش او
نتفاوض معاهم . ابتدا تشكيك زى

ما ارادته امريكا واسرائيل تماما وفجأة
خرج علينا مشروع الملك حسين اللي هو
مشروع ألون في حقيقته . واعلان الملك
حسين ما أعلنه في الولايات المتحدة من
انه مايقش أهل من أى معركة أخرى ولا
مواجهة مع اسرائيل — والنتيجة يعنى ؟
— هل نرضخ لطلبات امريكا واسرائيل .
آخر موقف لامريكا طالبة فيه بتقول
فيه حاجتين اتنين اللي انا قلت في عيد
العمال انه حتى ما يساوبش ان احنا
نرد عليه وما ردتش عليه — طالبة فيه
تسنيين ان احنا نتفاوض تفاوض مباشر
مع اسرائيل . والامر الثانى انها تفرحنا
بانها تفتح لنا قناة السويس واسرائيل
على الضفة الشرقية من القناة . ما حد
يقبل هذا اطلاقا في شعبنا — اطلاقا —
ولا في الشعب العربى . اذا كان حكام
عرب او مسئول عربى انهارت قواه وخار
وجبن الشعوب العربية ما خارتش قواها
أبدا وشعبنا هنا في مصر شعبنا هنا في
مصر مايتخورش قواه أبدا وما ببسلمش
ومش دى أول غارة علينا — على هذه
المنطقة يواجهها شعبنا شعبنا واجه قبل
كده وقد استطاع ان يواجه الصليبيين
وواجه عشرات قبلهم . ماسلمش مي
ارادته ولا في أرضه أبدا . وزى مايقول
لكم . وزى ما قلت قدامكم دلوقت وبقول
لشعب تونس ان شعب مصر حايبكون عند
حسن ظنه دايمًا كان شعب تونس صوت
واحد — رجل وامرأة وطفل وتلميذ وشاب
وكهل . كل انسان ثقته في مصر كاملة
وفلسطين . فلسطين .

على هذا البلد - مصر - مسئولية
كبيرة بالنسبة لعالمنا العربي وبالنسبة
لهذه المنطقة التي نعيش فيها . هدف
أمريكا وإسرائيل من أول المعركة من
سنة ٦٧ كان إيه هدف أساسي
لإزالة إسرائيل وأمريكا تعمل عليه
ولازالت إسرائيل تحرض علنا وعالميا
وفي الصحافة العالمية عليه هو يوقعوا
بيننا وما بين الاتحاد السوفيتي .
ويستفزوا أمريكا وحلف الاطلنطي علينا
عشان يخوفونا ونقطع علاقتنا بالاتحاد
السوفيتي ليه ؟ الصديق الوحيد واقف
معانا سياسيا في المحافل الدولية .
واقف معانا اقتصاديا .. بنينا السد
العالي في عشر سنين . أمريكا على
لسان وزير خارجيتها المستر دالاس في
١٩ يوليو ٥٦ سجل امام العالم كله وقال
مصر بلد مفلس ولا يستطيع اقتصاده
انه يحتفل ببناء السد العالي .
ويأتشعب مصر . بيان رسمي طلع
ومثبوت في الجرائد وفي التاريخ ..
ويأتشعب مصر اخلص من القيادة اللي
عندك واحنا نساعدك . لكن الاساس
ان مصر بلد مفلس . اقتصاده لا يحتفل
السد العالي . طيب . بنينا السد العالي
وظلعنا فوق الارض المكتسبه الجديدة
١١ مليار كيلووات كهربيا عليها برامج
تصنيع في الاربعة سنين المقبلة . مش
بس كده برغم المعركة . المعركة في ٦٧
برغم المعركة وبرغم ان احنا بنصرف
على قواتنا المسلحة او بلغ ما صرفناه الى
اليوم حوالي ٤... مليون جنيه في
الخمسة سنوات الماضية . برغم هذا لم
تتوقف عملية البناء . ابدا . النهارده
اللي عايز بروج بتفضل بروج حلوان . السد
العالي كان ببشفتل فيه ٢٠ الف عامل .



السد العالي الثاني مجمع الحديد والصلب
في هذه اللحظة في هذه اللحظة التي
بالكلمة فيها بيشتغل ٢٥ الف عامل في
الموقع في هذه اللحظة عشان ينجزوا
مجمع الحديد والصلب . السد العالي
الثاني التي تكاليفه اد تكاليف السد العالي
تمام . ماوقفناش . من بيساعدنا في
هذا ؟ ايد تحارب وتبنى وايد بتبنى زى
ماقلنا . ايد بنحارب بيها وايد بتبنى بيها
مين بيساعدنا في هذا ؟ الاتحاد
السوفيتي التي واقف وبانا .

نحن وأمريكا والاتحاد السوفيتي

ماوقفناش برامج الحرب صحيح عطلت
مسيرتنا شوية لكن ماوقفناش ومامنتناش
ومافلسناش واقتصادنا مش مفلس زى
الشهير وزير خارجية امريكا ماقال سنة
٥٦ مايستحملش السد العالي لا داستحمل
سد عالي وسد عالي تاني وتالت ورابع
وماثيين بنى لصالح مين ده كله
بيتبني ؟ لصالح هذا الشعب . لصالح
قوى الشعب العامل كلها . من فلاحين
وعمال ومنقفين وجنود وراسمالية وطنية
اولادنا التي بيتخرجوا من الجامعات
بنيني ده كله ليه ؟ عشان يظلموا
يلاقوا عمل . وعشان كل انسان يلاقى
حياة كريمة وفرصة كريمة خصوصا بعد
مانتهى ان شاء الله من معركتنا
كل هذا يمشى وحيلة تشكيك في
صداقتنا بالاتحاد السوفيتي في الفترة
الاخيرة امريكا واسرائيل بيبنوا في
المنطقة حملة التشكك ومن الفكاه بحيث
انهم بيقولوا طيب واحنا يا امريكا ادبنا

اسرائيل كذا فاننوم وتصنيع و .. و ..
 اداكم الاتحاد السوفيتى ايه ؟ وبعدها
 بشوية الاتحاد السوفيتى مش عايزكم
 تحاربوا . الاتحاد السوفيتى عايز لاحرب
 ولا سلم . الاتحاد السوفيتى عايز قواعد
 فى البلد . الاتحاد السوفيتى عايز
 امتيازات . الاتحاد السوفيتى مش عارف
 ايه كل الكلام ده انتم سامعينه سمعته
 الحملة النفسية الشرسة الموجهة للبلد
 هدفها واحد بس زى ماقلت لكم ان
 احنا ننعزل عن صديقنا الوحيد فى الوقت
 اللى بنبنى فيه السد العالى التانى مجمع
 الحديد والصلب وخمسة وعشرين الف
 عامل فى الموقع فى هذه اللحظة بينجزوا
 مشروع تكاليفه اد تكاليف السد العالى
 فى نفس هذا الوقت باطلب منه السلاح
 بيدينى كان حصل بينى وبين الاتحاد
 السوفيتى كما بيحصل فى اى بيت او
 بين اى اخوان او بين اى اصديقاء
 حصل اى سوء تفاهم هل معنى هذا
 انه مايحصلش سوء تفاهم بين الاصدقاء
 ابدا ؟ وهل معنى هذا ان احناناقرن علاقتنا

بالاتحاد السوفيتى بعلاقة اسرائيل
 بامريكا ؟ ونقول دى بلدى ودى
 مايتدنش ليه ؟ مايمكشش المقارنة
 ابدا ليه ؟ لاسباب كثير منها واهمها
 واساسها ان اسرائيل المسئولين فيها
 بيعلموا كل يوم من رئيس الوزراء لآخر
 وزير فى الوزارة لغيرهم من المسئولين
 انهم هم المدافعين عن مصالح امريكا
 فى المنطقة وهم خط الدفاع الاول عن
 مصالح امريكا فى المنطقة يعنى ببساطة
 ان اسرائيل عميلة للاستعمار الأمريكى
 وللأسف مصالح امريكا فى المنطقة مصانة
 تماما للأسف طيب انا مش عميل للاتحاد
 السوفيتى وانا بابشتمكشش عشان احمى

مصالح الاتحاد السوفيتي في المنطقة
 هنا وأنا صديق وبتعامل معاملة
 الاصدقاء الشرفاء على قدم المساواة ايه
 مجال المقارنة يعنى وايه الوجه الجديدة
 ان الاتحاد السوفيتي وناس كتير اوى
 عايزة تركب الموجة من اللى فاتهم المركب
 وعايزين يدوروا على اى مركب يركبوه
 ايه لزوم الكلام ده فى جبهتنا الوطنيه
 النهاردة حليفنا الوحيد واقف معنا زى
 ماحكيت فى المحافل الدولية من يوم ٦٧
 ومن قبل ٦٧ وهو واقف بيؤيد حقنا
 سياسيا واقتصاديا باحكى لكم ان فيه
 خمسة وعشرين الف عامل سد على
 جديد كان فيه ٣.٠٠٠ السد العالى
 هنا ٢.٠٠٠هـ جنبكم وبينوا سد على
 جديد واقف معنا وببساعدنا فنيا
 واقتصاديا فى هذا المشروع زى
 ماساعدنا فى السد العالى عسكريا
 بنطلب منه وبنأخذ اللى بنطلبه منه -
 يجوز بنختلف فى بعض الاحيان لكن
 ليس معنى هذا اطلاقا ان انا اجى وأروح
 محمله كل شىء واقول انه ده مايبديش

وده وده وده صفته و .. و .. و ..
 واقطع علاقتى به طيب ماانا باحقق
 هدف الاعداء اعدائى اعدائى عايزين
 يعزلونى ويستفردوا بى فى المنظفة
 مايفيش هد يمدنى لا بسلاح ولا بمونة
 فاقع تحت رحمتهم آدى اللى عايزينه
 هم .

انا باحكى هذا الكلام بتفاصيله امامكم
 كخواب للشعب عشان تكونوا على بينة
 ليه ا لان البعض خيل اليه انه يستطيع
 انه بصطاد فى اليه المكرة وانا باقول
 علاقتنا مع الاتحاد السوفيتي ليصمت
 مجال للصيد فى الماء المكر .

واضطر باهضر بان معركة الشعب
لصالح الشعب مقدسة فوق كل انسان
مهما كانت صفته ..

العقد ماينينش وانا قلت هذا الكلام
انا قررت امامكم في اجتماع الهيئة البرلمانية
بالحوار ليس هناك ادنى مانع ابدا من
ادارة الحوار في كل شى .. وحوار هر
بكامل الحرية .

اما مزايدات .. اما محاولة استغلال
مواقف قوة فده حيفض نفسه في مكان
التساؤل لان زى ماقلت معركة الشعب
مقدسة ولاتهتمل ابدا اى مزايدات .

زى ماحكيت مشي مجال هد يقارن
علاقتي بالاتحاد السوفيتي بطلاقة
اسرائيل بامريكا . وكمان الاتحاد
السوفيتي كصديق ده قوة
كبرى له سياسته العالمية واستراتيجيته
في العالم .. يعنى ده لازم يكون محل
تقدير مني اذا كانت المسألة مسألة
صداقة مابالزموش بحاجة .. ماقدرش
الزمه بحاجة لانه كمان مايقدرش يلزمني
بحاجة .. علاقة الاصداقاء كده .
بالنسبة لرحلة الاتحاد السوفيتي الاخير
انا مش حاتكلم عنها كتير .. زى انا
ماوعدت الصبر والصمت .. احنا في
معركة .. داخلين معركة حتمية لاننا
لا نقبل بها يراد فرضه علينا من شروط
وانا اعلنت وقلت مهمسا كانت
التضحيات ومهما كانت تكاليف هذه
المعركة حنذفمها بانن الله وهنصارب
معركتنا ولكن لن نسلم في ارادتنا ولا
في سنتي من ارضنا ولا في الارض
العربية .

الزيارة الاخيرة للاتحاد السوفيتي

بالنسبة لزيارتي الاخيرة للاتحاد
السوفيتي كان فيها امرين مهمين :

الامر الاول : هو اننى احطت القادة
السوفيت مجددا بموقفا الذى هبه
عارفيه والى هو يشتملوا عليه ..
وخاصة قبل الاجتماع القبل الذى
يهيصل بينهم وبين الرئيس نيكسون انما
يذهب اقرا لكم من البيان المشترك ..
وفى ظل تلك الظروف فان الدول العربية
التي تعرضت للعدوان لها كل الحق فى
استخدام مختلف الوسائل لاسترداد
الارض العربية التى اغتصبها اسرائيل،
دى اول نقطة .

النقطة الثانية .. واهم شرط لتصفية
اثار العدوان الاسرائيلى الامبريالى
هو دعم القدرات الاقتصادية والسياسية
والسكرية للدول العربية ..

مشى راح اقول اكثر من هذا ..
بالنسبة لزيارتي للاتحاد السوفيتي
وليسنتج كل انسان فى اسرائيل وفى
امريكا ما يشاء ..

بالنسبة لشعبنا .. هايز القول
لشعبنا ان احنا ما حسين فى طريقنا ..
المعركة حتمية ولا اطار ولا عمل ..
ولا اى شىء يتم الا من اجل المعركة
الحتمية .

اليوم بيصل المارشال جريتسكو لانتمام
بمضى الممانعات .. بالتقى بيه اليوم ان
شاء الله بعد الظهور .. والتعاون بيننا
بيسير .. زى ماكان دايميا ماشى فى
مختلف المراحل الماضية .. وعليكم

كخواب للشعب انكم تكونوا على علم
ان هذه المعركة معركةنا احنا فنحاربها .

في كل مرة رحبت الاتحاد السوفيتي
في الاربع مرات اللي فاتوا كان فيه
نقطتين اساسيتين باعلانهم امامكم خواب
للشعب علشان تكونوا على بينة بيهم ..
الاتحاد السوفيتي يعلم اني مش هايز
جندى سوفيتي يحارب لي معركة لاني
انا اللي يحارب معركتي .

النقطة الثانية انا ما باسمي ابدأ الى
مواجهة بين القوى الكبرى اطلاقا .
النقطتين دول في الاربع مرات الماضية
وفي كل محادثات لي واضحين تمام
الوضوح للاتحاد السوفيتي . الحقيقة
التهادرة بعد مضي سنة بنبدأ مرحلة
جديدة . كان فيه عقبات على الطريق
شلناها .. البناء اميد زي ما قلت في
الاتحاد الاشتراكي من القاعدة للقمة
في مجلس الامة ، عملنا دستورنا ،
استفتينا عليه شعبنا . زلنا جميع العقبات
من طريقنا . ومضي عام .. بااعتقد انه
وقت كافي هشان نبدا الممارسة الفعلية
وزي ماقلت انا قبل كده يصح انه حصل
في الفترة الماضية بعض التجاوزات ولكن
انا ما اعتبرتهاش ان دي علامات يعني
خطا او علامات تخوف او تخلينا نعدل
هن تجربتنا لا . اطلاقا ابدأ او زي
البعض ما تصوروها ، بعض الحاقدين
اللي بيملوا يعني اشخاصهم بس ،
تصوروا انها يعني البناء مفيش حاجة
وممكن يعملوا اي حاجة او يقولوا اي
كلام او .. كل ده كلام فارغ يعني
باعتر انه ممكن يحصل تجاوزات .
لكنه بيده هذه المرحلة اللي تبدأ بمضي
العام وبيده هذا اليوم عايزين الممارسة
الحقيقية او الفعلية او السليمة لتجربتنا

اللى احنا بدانها فى ١٥ مايو اللي فات
اللى عايز انبه له ان ما يعتقدش
البعض ان اللى تم فى ١٥ مايو ماكانش
بخطه ، انه تم اعتباطا . لا . . . يعنى
بعد اللى وقع فى ١٤ مايو فى هذا
المجلس ثم فى ١٥ مايو اتحطت خطة
كاملة علشان اللى بناء عليها طلع برنامج
العمل الوطنى تمت الانتخابات من القاعدة
للقمة فى الاتحاد الاشتراكى ، وضع
الدستور ، تمت انتخابات مجلس الامة
بدات مرحلة حكم المؤسسات ما عايش
حكم أفراد لا . حكم المؤسسات وبدات
التجربة وزى ما قلت حصل بغض اللجاوز
فى المرحلة الماضية وده أمر طبيعى جدا
فى اى تجربة تبدأ .

نريد الضوابط

على المسلك العام

ولكن التهاور • واحنا بنبدأ سنة جديدة
با اعتقد ان ده وقت كافى بقى علشان
نحط شوية ضوابط على خط سيرنا
علشان التجربة تنجح وكل جهاز من
أجهزتنا يقوم بدوره ويحدد له دوره تماما .
انا با اعتقد ان علشان الممارسة تكون
سليمة لابد من ثلاث حاجات : الحاجة
الاولى ان احنا نعرف حقائق التجربة
الاولى . التجربة حقيقتها ايه . اساسها
ايه . الحاجة الثانية ان احنا نكون
قادرين على وضع قواعد وضوابط
للسلوك العام . الحاجة الثالثة ان احنا
نكون مستعدين بحزم لرسم الحدود بين
المؤسسات . نجى للتجربة ، النقطة
الاولانية . التجربة زى ما قلت لكم بعد ١٥ مايو
اللى فات حطينا خطة علشان اعادة البناء



كاملا وازالة المعوقات من الطريق بالكامل
عشان تقوم مؤسسات تحكم وتمارس
سلطاتها فعلا .

عشان يعنى نعرف التجربة برضه
يكون من الخبر انى ارجع بيكم للخلف
شوية من ساعة ما قامت الثورة ، قامت
الثورة . قبل قيام الثورة كان فيه
ما يسمى بالهيئة التأسيسية للضباط
الاحرار ، بعد قيام الثورة بقى فيه
مجلس قيادة الثورة وتذكروا انه فى
الايام الاولى للثورة طلبنا من الاحزاب
انها تظهر نفسها عملوا عملية شكلية .
فى ١٦ يناير سنة ٥٢ بعد ما وضع
تماما ان الاحزاب مشى ممكن حاترجع
عن طريق التآمر اعلنا فترة انتقال ٢

سنوات يتم بعدها وضع دستور للبلاد .
فى خلال هذه السنوات الثلاث بتكون
السلطة التنفيذية والتشريعية مع مجلس
قيادة الثورة واتعمل مؤتمر بين مجلس
قيادة الثورة ومجلس الوزراء مع بعض .
زى ما حكيت انا فى ذكرى المرحوم
جمال ، فى سنة ٥٥ كان واضح ان
الصراعات ابتدأت تبان وابتدأت تطفو ،
جينا فى سنة ٥٦ واضلنا نششكل
الدولة ، انتخب جمال رئيس للجمهورية
اعضاء مجلس الثورة الللى حب يقعد
يتعاون معاه فى السلطة التنفيذية قعد
واللى مارغبثى ساب ومشى الوضع
او الاوضاع منذ سنة ٥٦ فى الوضع
الدستورى والقانونى بتاع كل دولة .
اوله برئيسها بدستورها وعملية
ماشية بالشكل المتعارف عليه فى العالم
فى سنة ٥٦ فى ١٦ يناير ٥٦ زى ما
وعدنا تماما - فى ١٦ يناير سنة ٥٢
صدر اول دستور - جت الانتخابات بعده
لانه كان ٥٦ سنة العدوان زى مانتو
فاكرين . ٥٧ جت الانتخابات واول برلمان

اجتمع هنا - ٥٨ فامت الوحدة -
البرلمان ما قدمنى اكثر من ٧ اشهر وبمدين
قام برلمان الوحدة سنة ٦٠ الى ان حصل
الانفصال سنة ٦١ - فى اواخر ٦١
اتحل البرلمان بالطبيعة - ٦٢ كانت سنة
الميثاق و دخلنا فى التجهيز للمرحلة المقبلة
- ٦٤ جت انتخابات مجلس الامة اللى
لاول مرة فى تاريخ مصر يمضى ٥ سنوات
مدته القانونية مجلس ٦٤ .

قام العدوان فى ٦٧ وكان لمجلس الامة
هنا موقفه وبمدين حصل فى ٢٨ سبتمبر

سنة ٧٠ وفاة الرئيس جمال - الله
يرحمه - فى هذا الوقت كان مجلس الامة
موجود . كانت اللجنة المركزية موجودة
وكان لجنة تنفيذية عليا موجودة -
مؤسسات - موجودة . وكنت انا معين
نائب لرئيس الجمهورية .

فى التلات ايام الاولى انا كان قناعتى
وايمانى ان زى الرئيس جمال - الله
يرحمه - ما وعد هنا عند عودته يوم
١٠ فى الخطاب الذى اعلنته من على هذه
المنصة يوم ١٠ يونيه ٦٧ استجابة لارادة
الشعب . اعلن انه بيبقى لازالة اثار
العدوان فقط ثم تجرى الانتخابات . فانا
كان اول تفكير لى انه مادام مستورنا
اللى موضوع واخذ بهذا النظام النظام
الرئيسى انا باكمل مدة الرئيس فقط اللى
هى الى ازالة اثار العدوان . وما فكرت
حتى فى انتخابات فى الايام الاولى . قلت
ما فى داعى للانتخابات كئانب لرئيس
الجمهورية باكمل الى ان نزول اثار
العدوان وبعد ذلك بنعمل الانتخابات زى
ما وعد الرئيس جمال .

حصلت تحركات فى الداخل وفى
الخارج وكان حقيقة كان الشئ
المؤسف انه البعض تصور ان احنا نقدر
نرجع لورا . احنا عندنا مؤسسات

موجود وفيه نظام ان اللجنة التنفيذية
العليا بنجس وبترشح . بيروح اللجنة
المركزية وبترشح وبعد ذلك اذا نلت
اعضاء مجلس الامة رشحوا كل من
يرشحه نلت اعضاء مجلس الامة ينقدم
للافتخاب فى اسسفتاه حر . مش بس
ماشية على رئيس الجمهورية دى حتى
ماشية على رئيس الوزارة ايضا هطينا
هذا التقليد انه بيرشح فى اللجنة المركزية
قبل مايجى المجلس .

لماذا رفضت هذه العريضة

تصور البعض ان احنا ممكن نعودالى
الوراء وفوجئت قبل اجراء الانتخابات بان
عريضة جاية لى وموقعة من بعض اخواننا
اللى كانوا معنا زمان بمجلس الثورة .
وملخص هذه العريضة اتاطلبت انها تطبع
وتوزع عليكم وايضا عريضة اخرى طبعت
اخيرا لان انا باحب بقى ان المسائل
تنحط بصراحة امامكم واهام الكل .

قبل اجراء الانتخابات واحد منهم اتصل
وقال انه عاوز يشوفنى وجاب العريضة
طالب الكل بيحوا بقبولونى مرة واحدة
رفضت قلت ما باشوفنى مجاميع انما
اللى طلب يشوفنى جه وجاب العريضة
حاتقروها لانى طلبت ان نطبع وتوزع
عليكم وتوزع على اللجنة المركزية ايضا .

ملخص العريضة - البلد فيها مؤسسات
وفيه نظام مائى وفيها عملية بناكاملة
بنتم كانت خلال ١٨ سنة وصاية بنفرض
على البلد بان يتشكل مجلس ثورة جديد
وجاملونى وقالوا بتقرا انت رئيسه باعتبار
انك انت نائب رئيس الجمهورية دلوقت
دا مجاملة طبعا والمجلس دا يقعد وصى
على البلد يعمل هيئة تاسيسية - الهيئة



التأسيسية بعد ١٨ شهر تحط دستور للبلد
- دا بعد ما تقدم فى صراع ٨ الشهر -
وبعدين تنقى البلد بحد ذلك رئيس
الجمهورية من بين اعضاء مجلس الثورة
الجديد اللي من ٥٦ زى ما قلت خلاص -
يعنى رجعتنا للاوضاع الدستورية المتعارف
عليها فى العالم كله . وكانه مافى معركة
وكان البلد مافى هاجة - وكان مفهوم
المریضة كان انه بيلقى كل ماتم ببساطة
كده فى الـ ١٨ سنة وبيتدوا من اول
وجديد - وانا قلت للزميل ده انا بارفض
هذا الكلام وبارفض مبدأ الوصاية على
البلد من اى كان - ما حدش وصى على
البلد ابدأ ابدأ - الشعب اللي خرج
في يوم ١٠٠٩ يونيو ٦٧ ما حدش خرج
وانا قلت هذا قبل كده . لا مجلس الامة
خرجهوا مجلس الوزراء خرجوه ولا التنظيم
السياسى فى هذا الوقت خرجوه ولا اى
انسان يدعى انه له الفضل انه خرج
الشعب يوم ١٠٠٩ يونيو - لا اطلاقا -
شعب باصاليه وفطرته بيرفض الهزيمة
ورفضها - شعب هو سيد مصيره . اما
وصاية - لا - وقتلت الموضوع واحطرت
انه منتهى ما لوش قيمة . ومضينا
وحصلت الانتخبات ومضينا .. الخ .
فى الايام الاخيرة اتكررت المريضة
بصورة اخرى وبرضه هاتوزع عليكم
وعلى اللجنة المركزية . لان طبيوزعوها
فى الخفا ليه ؟ طب ما بيعتوها لكم مجلس
الامة . احسن يعنى - يعنى اللي هايخ
اى حاجة انا باعلنها امام الشعب
دلوقتي والشعب كله سامع اللي هايخ
يقول اى حاجة بيعتها هنا مجلس الامة -
ما فيهاش حاجة يعنى - بيخى لكم هنا
وتطبعوها وناقشوها وهاتوا اللي كاتب



ناقشوه هنا — دى وظيفتكم وده شغلكم
واذا كان فيه شيء انا ما عندى مانع —
احنا عايزين نستفيد من كل انسان ومن
كل قدرة ممكنة. لكن بالحقد لا. بالمزايدات
لا. لكن كل انسان عايز يتفاوض يفضل
مجلس الامة موجود ومفتوح — وهم كل
الناس هنا — انا سامع — فى الفترة
الماضية كان كل من له شيء بيجي مجلس
الامة ما هو لازم يكون بابكم مفتوح هنا
لكل من يريد اى شيء فى الشعب كله .

مجلس الثورة انتهى عام ٥٦

بعد وفاة جمال كانوا — مجلس
الثورة بس القديم — اللي هو انتهى
المفروض من ٥٦ — الدور ده لا — بوروا
على شوية ناس يمشوا معاهم وعمليات
تشجع اللي انا اتكلمت عنها . والاتحاد
السوفيتى وعلاقتنا بالاتحاد السوفيتى
واواوا .. طب انا افهم زى ما قلت
ان اللي عايز حقائق يجي يطلبها مجلس
الامة موجود . انا حصل فى يوم من
الايام ان احدهم طلب حقائق قعد معاهيا

١٢ ساعة — قدمت معاه ١٢ ساعة
متصلة علشان احط كل الحقائق —
ما بمتنعش اطلاقا مش لشيء انما لاننا كلنا
على قدم المسئولية فى هذا البلد كمواطنين
— كلنا مسئولين عن هذه المعركة — وكل
من له فكر وكل من له رأى مانع مانع
انها الموجة اتوجدت وعملية حقد عملية
باين فيها الحقد لما هاتتوزع عليكم وتقروها
وانا قلت الحقد ما بينشى ابدا ايه ليه اهل
احنا فى الوقت اللي بنتكلم فيه — طب والله
انا افهم ان الثورة والانفعال والتشجيع بيبقى
على امريكا اللي بلا حياء ولا خجل واقفة
وبيقول بادى فانتم وبادى تصنيع وعليك

يا تسلموا بشروط اسرائيل ويا دويك
تفتح لكم قناة السويس وهى قاعدة لكم
على الضفة وتفاوضوها مفاوضات
مباشرة يامافيش حاجة وخطوا راسكم
مطرح ماتخطوا رجلكم بتقول لنا كدة
امريكا - افهم التشنج يبقى على امريكا .
الصديق الوحيد اللي واقف معاك وبنى
السد المائى وباخذ منه السلاح
وبيساعدنى سياسيا وباختلف معاه
ونرجع نصطح وماشية علاقتنا علاقات
شريفة . اللد للند هو ده اللى نتشنج
عليه فى الوقت ده ونسب الامريكان ا
راخوا مضوا شوية انا قلت يوزعوا
المريضة عليكم لانه مافيش حاجة يخشى
منها ابدأ . يعنى كل شىء لازم يكون
مفتوح وامام الشعب ولازم كل واحد
يكون عنده المشجاعة انه يواجه - بيحى
لكم هنا مجلس الامة - اللى عايزيقول
اى حاجة يطلب كل البيانات وهاتوا
الوزراء المسئولين عن اى قطاع واسالوا
وباشروا كل شىء وخلوا كل شىء فى
النور لان التور بيمينع الخفايش .

طيب دى التجربة .. التجربة انا باقول
انه لازم يكون فيه دولة مؤسسات ..
فيه دولة مؤسسات فيمجلس وزراء يمثل
السلطة التنفيذية .. مجلس الشعب يمثل
السلطة التشريعية .. التنظيم السياسى
يعتبر التابع الام اللى يلم كل هذه العمليات
ينسق هنا وهنا .. وييمت وينصق كمان
بجميع الهيئات اللى بره الفرعية اللى فى
البلد وينسق جهودها وينسق جهود
الشعب كلها .. وكل واحد .. با قول
التجربة عايزة تنضج .. عايزة ندخلها ..
مجلس الوزراء بيجتمع التهادرة بياخذ
قرارات .. مجلس الامة هنا مامضاش
شهرين اتنين الا وكان فيه استجواب ..
استجواب يعنى اتهام للحكومة ماجراش

حاجة يعنى .. الدنيا ما اتهدتس ولا حاجة
أبدا .. يمارس سلطانه .. التنظيم
السياسى عمل لجنة العمل وارجو فى
المرحلة اللى جاية ان الشكل التنظيمى بالكامل
يندفع نحو الاطار اللى انا اتكلمت عليه
وهو اطار المعركة اللى انا ما فيتش
اماننا فبره ..

الوحدة الوطنية لا الجبهة الوطنية

طيب فى وسط التجربة دى بتطلع نغمة
بيقولوا الجبهة الوطنية .. جبهة وطنية
ايه يعنى الفى المؤسسات اللى هنا ..
ماهو جبهة وطنية يعنى ما عندناش
مؤسسات .. طيب ما فيه لجنة مركزية
بقاعة الاتحاد الاشتراكى .. وفيه سلطة
تشريعية .. وفيه سلطة تنفيذية موجودة
.. الجبهة الوطنية دى المطلوب ايه ..
فيه عندنا حزب ناسيين نضيفه للاتحاد
الاشتراكى لازم نضيفه والا فيه عندنا
عباقرة نسينا نضمهم للاتحاد ومن غيرهم
الدنيا هاتفرق .. حالة مالهاش حل غير
كده يعنى .. انا مش فاهم لها وضع
يعنى جبهة وطنية انا باقول لا . جبهة
وطنية كلام مقصود بيه التخريب النهاردة
فى عملنا واحنا بنواجه عدونا وبنواجه
جبهة وبنواجه وحدة وطنية واخدة .

اللى عرفناه طول عمرنا الوحدة الوطنية
.. واللى اشتغلنا بيه طول عمرنا
الوحدة الوطنية ما عندنا غير هذا ..

التجربة لازم حتمشى بالذن الله وليكن
معلوما من خلال مجلسكم باكلم شعبنا
كله .. شعبنا اللى بامشى فى الشوارع

.. الانسان بيتهز قلبه ساعة ما يامشي
في الشارع ويسمع المواطن الفلاح العادي
والعامل البسيط ببراءة وباخلاص وبإيمان
كل الملى بقوله .. رينا معاك ..

انا باكلم شعبنا الطيب الاصيل المؤمن
ده .. ما فيش عمل خارج الاجهزة
الدستورية الموجودة في بلدنا الملى هو
تحالف قوى الشعب العامل .. اى واحد
يفكر في اى شيء خارج هذا التحالف
حيمرض نفسه للجزاء .. وللجزاء الصارخ
لان وحدة البلد ومصير المعركة ومصير
البلد فوق كل فرد مهما كانت قيمته ومهما
ادمى لنفسه .. لن اسمح بهذا ..

بنجى للنقطة الثانية .. حكاية التجربة
حكيت لكم على قصة التجربة من اول ٥٢
النقطة الثانية الملى انا باقولها قواعد
وضوابط السلوك العام في المرحلة الملى
هاية علشان تنجح التجربة لازم يكون
فيه قواعد وضوابط السلوك العام .

انا زى ما قلت اى انسان عايز اى
حاجة ما فيه هنا مجلس الامة يتفضل بيجي
اللجان المختلفة موجودة .. ولجان موجودة
علشان كل المواضيع الملى ممكن او
الشكاوى الملى ممكن ان تخطر .. اللجنة
المركزية والاتحاد الاشتراكي هناك مفتوح
بالكامل لاي انسان عنده اى شيء عايز
يقوله .. بس صعوبة الفترة الملى احنا
بسر بيها .. انا باعمل حاجتين متناقضتين
في كل الممارك الملى سبقتنا وحاضرنا جلترا

مثلا .. وانا حكيت عنها قبل كده ..
في وقت المعركة ما يبقاش فيه ديموقراطية
.. وانجلترا الملى فيها كان ثلاث احزاب
في البرلمان العمال والمحافظين والاحرار
اقروا مذكرات تشرشل كاتب في كتابه
.. البرلمان البريطاني باهزابه الثلاثة

فوضوه هو وأربعة وزراء سموها وزارة الحرب لقيادة المعركة وقال له وقت ماتدينا هير .. ادينا مشي هايز ماتديناش لان طبيمة المارك لايد فيها اسرار وفيها عمليات كثيرة قوى وفيه هاجات ماتتقاليش ولايمكن الاصحاح عنها الا بعد سنين وفيه خطوات تتاخذ ويتقال عنها وفيه خطوات مايتقالش عنها .

البرلمان البريطاني كتب الكلام ده تشرشل وموجود في المكتبة ومترجم .. البرلمان البريطاني فوضه هوه وأربعة وزراء سموها وزارة الحرب ان يتخذ مايشاء من قرارات ولايخطر بيها البرلمان الا وقتما يرى ذلك مناسباً للمعركة . نفس التفويض اداء له مجلس الوزراء البريطاني .

فريد نجاح التجربة الديمقراطية

انا باعمل العكس .. انا باقول لا .. انا عايز التجربة الديمقراطية تنجح لان المعركة دي معركتنا كلنا كشعب وعايزين كلنا نشتمل فيها وكلنا لأول مرة نحارب معركة احنا حاسين كل انسان فينا له دور فيها وعلى ذلك انا واخذ الطريق الصعب .. ماانا كان ممكن اجي اطلب منكم بحكم المعركة من فضلكم .. أدى الى جرى في المعارك حولينا في العالم كله ديموقراطيات وغير ديموقراطيات .. ادوني تفويض لكن لا طلبته ولا حا طلبه .. ابدا انا عايز مجلس الامة يشتمل .. الصعوبة اللى انا باواجهها واللى مصر انى اكمل التجربة بيها .. ان من خلال عمل ديموقراطى في اثناء المعركة لازم باذن

الله نكمل تجربتنا ونكمل معركتنا ان شاء
الله . ده عمل ديموقراطى فى كل اجهزتنا
ماشية على طول .. مجلس الامة قايم
بدوره .. ومجلس الوزراء قايم بدوره
.. والتنظيم السياسى قايم بدوره ..
التنظيمات المساعدة كل واحد يقوم بدوره
ولكن ليكن معلوما من اليوم وانا باقرر
امامكم انى لن اسسمح بمناورات ..
لامناورات .. ولامزادات .. وكمان
لازم يكون فيه قواعد وضوابط للسلوك
يعنى مطلوب جنب نزاهة التصرفات نزاهة
التوايا .. المسألة مش مسألة كلام ..
التوايا .. القلب لازم يكون نضيف ابيض
.. على سبيل المثال جيتوا انتم فى
موضوع الانابيب .. واتقدم استجواب
وانتقلت فيه كل الحقائق والمضبطة بناعة
هذه الجلسة شرف لهذا المجلس وعازيها
تتوزع على كل فرد فى الاتحاد الاشتراكى
وفى البلد فيها الراى المعارض والراى
المؤيد بكل البيانات بكل الامثلة بكل شئ
.. واتخذ المجلس قرارا ايه ده اللى
يطلع لى تانى بعد المجلس .. السلطة
التشريعية اللى فى البلد تقوم تطلع لى
هيئة من الهيئات .. نقابة من النقابات
لسه بتناقش الموضوع علشان تاخـد
قرار فيه .. ايه ده .. ايه السلوك ده
.. ايه ده .. قيمين على البلد .. فيه
اوصياء تانى على البلد بعد مجلس الامة
ماياخذ قرار ويقف الراى المعارض يتكلم
ويحط كل الحجج . ويقف الراى المؤيد
يؤيد ويحط كل الحجج .. ويبجى المجلس
يتخذ قرار تطلع هيئة وصاية جديدة على
البلد لسه بتناقش الموضوع .. اناقريت
كل كلمة فى هذا الموضوع .. انا كنت
حريص زيكم تماما وزى كل فرد فى الشعب
انى اعرف ايه الموضوع .. اوله ايه ..
واخره ايه .. واذا كان فيه اى تصرف



لاى مسئول .. وحصل ان فيه تصرفات
لمسئولين انتم طلبتم انهم يقدموا الى
الحساب ولا بد ان يقدموا الى الحساب ..
لكن لما نيجي نقول ضوابط السلوك
مش ممكن ابدأ ابدأ هيئة او نقابة تحت
اى شعار او تحت اى اسم بعد هذه
السلطة التشريعية ما تقرر وتأخذ رأيها
فى موضوع تفتحها هناك للمناقشة ثانى .
لا . غير مقبول هذا السلوك . مرفوض
.. بالكامل . يكون ده واضح عندنا
وقت ما كان بيتناقش هنا أنا قلت افتحوا
المجلس وهاتو جميع من يشاء وكل من
يريد ان يقول كلمة هاتوه المجلس هنا
فى اللجان ودخلوه يقول رايه عشان نعرف
الحقيقة . كلنا عايزين الحقيقة ما حدش
عايز يخبى حاجة .

التزام المعركة أساس السلوك

امر آخر فى السلوك المفروض فى
المرحلة الجاية لازم نلتزم بالمعركة . اللي
مش قادر واللى تعبان مش عيب ابدأ
بيقول أنا مش قادر وأنا تعبان ولكن
مايلبلش الناس او مايقعدش فى مكانه
وهو مش مؤمن باللى بيعمله او بالخط
الى احنا ما شيين فيه لا .. مفيش اجبار
لحد . والنهارده ما حدش بيقول له
يا تقعد يا تروح المعتقل . لا مفيش .
أبدأ . كل انسان حر ويعمل زى ما هو
هايز ويقول زى ما هو عايز طالما
احنا ملتزمين باطار المعركة بتاعتنا .

بنيجى فى المرحلة الجاية النقطة الثالثة
اللى هى الحدود بين المؤسسات بيبقى
لا بد بالممارسة جنب الممارسة بنحط



الحدود هنا عندنا ايه النهارده . عندنا
دولة اتعادبة مؤسسات الدولة الاتحادية

وعندنا مؤسسات الدولة الوطنية . هنا
فى مصر وعندنا الاتحاد الاشتراكى وعندنا
الحكومة عندنا مجلس الشعب . كل
هذا موجود داخل القاهرة ومفروض لازم

ننسق ونوجد الحدود . وزى ما قلت مش
صعب . مش صعب أبدا . لما الحقد

يخشى لا يتتعد . وده ما أسمحش به .
لكن لما يبقى فيه الاحساس بالمسئولية
والاحساس بالواجب والارتفاع فوق

الانانيات خلاص كل شىء بيتحل . كل
شىء سهل والفاظ ممكن مسموح به .

الفلط اللى مش مقصود . مفيش واحد
فى الدنيا بيعمل من غير ما يفلط . أبدا .

اللى ما بيفلطش هو الوحيد اللى قاعد
ما بيعملش حاجة . ايا اللى بيعمل

معرض للخطا . الخطا مسموح به فى
حدود حسن النية . لكن خطأ متمدد او

يعنى تخريب لا غير مسموح به اطلاقا .
وكل هذا ممكن وكل هذا ماشى النهارده

بس مفروض انه نحط حدود فاصلة
واضحة واحدة واحدة بين كل مؤسسة

والثانية علشان تمضى فى عملها .

با اعتقد ان انا غطيت كل النقاط اللى
انا كنت عايز أعطيها قدامكم ما بقاش

لى الا انى اختتم .



أيها الاخوة والاخوات اعضاء مجلس
الشعب

لقد انجزنا الكثير في عام واماننا
الكثير ننجزه في هذه البداية الجديدة
لممارسة جديدة . بداية لا بد ان تؤخذ
بالاقتناع وبالحزم معا . بالحرية والالتزام
معا . بالمشاركة والمسئولية معا .

هذا وطننا وهذه امتنا . ولا يمكن
ان يتقرر مصير اى انسان بمعزل عن
مصير الوطن وعن مصير الامة .


اذا اردنا ان نؤكد ثقتنا بالمصير
فاننا لا بد ان نعبر عن ذلك بالسلوك .
أيها الاخوة والاخوات

عن ثقة بالله سبحانه وتعالى لم
يتزعزع ايمانى بالنصر ولن يتزعزع ابدا .
انى اتق فى امتنا وفى شعبنا وفى قدرة
كل انسان منا ان يقف فى هذه الاوقات
المصيبة ليحمى الارض ويحمى الهدى .
يصون الكرامة ويؤكد الهوية .

وليعمل .. وليعمل .. وليعمل ..
من اجل نصر الله سبحانه وتعالى . وما
النصر الا من عند الله ، ان تصروا الله
ينصركم ويثبت اقدامكم .
والسلام عليكم ورحمة الله .



مركز الأهرام للتنظيم وتكنولوجيا المدونات



الرئيس السادات يتحدث في الجلسة الخاصة التي مقدها مجلس الشعب